

На Гóсподи воззва́х, глас 1:

Глаго́ли, Симео́не, / Когó нося́ на рукú в це́ркви ра́дуешься? /
Кому́ зове́ши и вопи́еши: / ны́не свободи́хся, ви́дех бо Спа́са моего́? /
Сей есть от Де́вы рождéйся, / Сей есть от Бо́га Бог Сло́во, /
воплоти́выйся нас ра́ди и спасýй челове́ка, // Тому́ поклони́мся.

Приими́, Симео́не, / Егóже под мра́ком Моисе́й законополага́юща
прови́де в Синáи, / Младéнца бýвша, за́кону повинýющася. / Сей
есть за́коном глаго́лавый, / Сей есть во проро́цах речéнный, /
воплоти́выйся нас ра́ди и спасýй челове́ка, // Тому́ поклони́мся.

Прии́дем и мы, пёсньми Божéственными Христа́ усря́щем /
и прии́мем Егó, / Егóже спасéние Симео́н ви́де. / Сей есть,
Егóже Дави́д провозвести́, / Сей есть во проро́цах глаго́лавый, /
воплоти́выйся нас ра́ди и за́коном вещáвый, // Тому́ поклони́мся.

Слава и ныне, глас 6:

Да отве́рзется дверь Небе́сная днесь: / Безнача́льное бо Сло́во
О́тчее, / нача́ло прии́м под лёты, / не отсту́пль Своего́ Божества́, /
от Де́вы я́ко Младéнец четы́редесятиднёвен / Ма́терию во́льне
прино́сится в це́рковь за́конную, / и Сего́ на ру́ки прие́млет ста́рец, /
отпусти́, зовýй, раба́, Влады́ко, / и́бо о́чи мои́ ви́деста спасéние Твое́. /
Прише́дый в мир спасти́ род челове́чь, // Гóсподи, сла́ва Тебе́.

Днесь Симеон на руки Господа славы подымлет, / Егоже под мраком
первое Моисей виде, / на горе Синайстей скрижали дающая ему. /
Сей есть, Иже во пророках глаголяй и закона Творец. / Сей есть,
Егоже Давид возвещает, Иже всем страшный, // имеяй велию и
богатую милость.

Слава и ныне, глас 5:

Ветхий деньми, младенствовав плотию, / Материю Девой в церковь
приносится, / Своего закона исполняя обещание, / Егоже Симеон
приим, глаголаше: / ныне отпускаеши с миром, по глаголу Твоему,
раба Твоего, // видеша бо очи мои спасение Твое, Святей.

На стиховне, глас 7:

Украси твой чертог, Сионе, / и подыми Царя Христа, / целуй Марию,
Небесную Дверь: / Та бо престол Херувимский явился, / Та носит Царя
Славы. / Облак света есть Дева, / носящи на руках Сына прежде
денницы, / Егоже прием Симеон на руки своя, / проповедуя людям
Владыку Сего быти живота и смерти // и Спаса миру.

Слава и ныне, глас 8:

Иже на Херувимех носимый и певаемый от Серафим, /
днесь в Божественное святилище по закону приносим, / на старческих,
яко на престоле, сидит руках / и от Иосифа приемлет дары Боголепно, /
яко супруг горлицищ, / нескверную Церковь и от язык новоизбранных
люди, / голубина же два птенца, / яко Начальник Ветхаго же и Новаго. /
Еже к Нему обещания Симеон конец прием, / благословя Деву Марию
Богородицу, / страстей образы, Иже из Нея, провозгласи / и от Него
проси отпущения, вопия: / ныне отпусти мя, Владыко, / якоже
прежде возвести ми, / яко видех Тя, Первоначного Света // и Спаса
Господа христоименным людям.

Тропарь, глас 1:

Рáдуйся, Благодáтная Богорóдице Дéво, / из Тебé бо возсия
Сóлнце Прáвды – Христós, Бог наш, / просвещáяй сýщия во тьме. /
Веселíся и ты, стáрче прáведный, / приéмый во объáтия
Свободíтеля душ нáших, // дáрующего нам воскресéние.

Кондак, глас 1:

Утрóбу Девíчу освятíвый Рождествóм Твоím / и рúце Симеóне
благословíвый, / я́коже подобáше, предварív, / и нýне спасл есí нас,
Христé Бóже, / но умирí во бранéх жítельство и укрепí лю́ди, //
íхже возлюбíл есí, Едíне Человеколю́бче.

Величание

Велича́ем Тя, / Живода́вче Христé, / и чтим Пречíстую Мáтерь Твою́, /
Ё́юже по за́кону нýне // принéслся есí в храм Госпóдень.

Псалом избранный: Отры́гну сéрдце моé сло́во бла́го.

Глаго́лю аз дела́ моя Царéви.

Прокимен, глас 4:

Помяну́ íмя Твоé / во вся́ком ро́де и ро́де.

По 50-м псалме стихира, глас 6:

Да отве́рзется дверь Небéсная днесь: / Безнача́льное бо Сло́во
О́тчее, / нача́ло приím под лéты, / не отсту́пль Своего́ Божества́, /
от Дéвы я́ко Младéнец четы́редесятиднёвен / Мáтерию во́льне
принóсится в цéрковь за́конную, / и Сего́ на рúки приéмлет стáрец, /
отпусти́, зовый, раба́, Влады́ко, / íбо óчи мо́и вíдеста спасéние Твоé. /
Прише́дый в мир спасти́ род челове́чь, // Го́споди, сла́ва Тебé.

На хвалитех, глас 4:

Зако́н, и́же в писáнии, исполня́я, Человеколю́бец / в це́рковь ны́не
принóсится, / и Сего́ приéмлет ста́рыми рука́ми Симео́н ста́рец, /
ны́не отпуща́еши мя, вопия́, ко о́ному блаже́нству: / ви́дех бо Тя днесь,
плóтию ме́ртвенною обложе́ннаго, / животóм госпóдствующа //
и сме́ртию влады́чествующа.

Свет во откровéние язы́ков яви́лся еси́, Го́споди, / на о́блаце
седа́ лёгце, Со́лнце Пра́вды, / зако́на сенóвное исполня́я / и нача́ло
изъявля́я но́выя благода́ти. / Тем, Тя ви́дев, Симео́н взыва́ше: / из
истлéния мя разреши́, // я́ко ви́дех Тя днесь.

Слава и ныне, глас 6:

На рука́х ста́рческих во дне́шний день, / я́ко на колесни́це
Херувимстей, / восклони́тися благоизво́ливый, Христé Бо́же, / и нас,
пою́щих Тя, / страсте́й мучи́тельства призыва́емый изба́ви // и спаси́,
я́ко Человеколю́бец.